



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 8. Realis & spiritualis communionis differentia.

[urn:nbn:de:hbz:466:1-49823](#)

non possint aliunde. Quanquam non opus est, ut ea miraculis semper implete: implet satis, si diuinâ gratia implet. Quod etiam facit per *spiritualem communionem*.

§. VIII.

Realis Et spiritualis communionis differentia.

Nam hîc mihi silendum non est, quod Theologi, cum D. Thoma Aquinate, omnes docent, atque ex hac ipsa Dei bonitate consequens est; eos, quibus, quacunq; demum ex caussa, non conceditur, SS. Eucharistiam *Sacramento*liter sumere, quâm frequentissimè illam saltem *spiritualiter* sumere aut posse, aut oportere. Gratissimum enim est Christo, corde ei nos iungi, si ore simul iungi non possimus. Nobis autem hæc coniunctio prorsus necessaria est. Neque ea res fructu caret. Quia effectu Sacramenti magnum percipere potest, qui Sacramentum habet in voto, tametsi illud in re non accipiat. Quemadmodum enim multi *baptismo* flaminis baptizantur antè, quâm baptismo aquæ baptizentur, propter inflatum baptisimi desiderium; ita etiam plurimi SS. Eucharistiam *spiritualiter* manducant, eam impensè desiderando, licet *Sacramento*liter non

S. Thom.
3. p. q. 80.
art. 1. 2.

952 Cap. VII. De reali, seu sacramentali,
manducent; aut antè, quàm manducent
qua manducatione spirituali itidem perci-
pitur effectus huius sacramenti. Etenim ho-
mines, in ea, Christo, per fidem, & chari-
tatem, spiritualiter coniunguntur. Credunt
enim & amant, quod desiderant. Fides au-
tem Christo intellectum, amor vnit volun-
tatem. Neque tamen idcirco *sacramentalis*
& *realis* manducatio superuacanea censem-
da est: siquidem, vt D. Thomas ait, pleniū
inducit sacramenti effectum, ipsa sacramenti
susceptio, quam solum desiderium. Qui enim
simul *spiritualiter* & *realiter*, seu *sacramenta-*
liter Eucharistiam sumunt, maiorem copiam
gratiae & *virtutum consequuntur*: quia præ-
cepto *realis* sumptionis, aut institutioni
Christi parent: & ordinariè magis ad se Deo
coniungendos excitantur; ac ex *opere operato*
fructum consequuntur: cum *spiritualis com-*
muniō sit tantùm oper⁹ operantis, nec impletat
præceptum *realis* sumptionis, quando ea ha-
beri potest. Quare neque communio *realis*
est negligenda, neq; *spiritualis* non frequen-
tissimè usurpanda; vt & illius fructu maiore
potiamur, & adipiscamur hunc, quoties in
die volumus, obuium ac opportunū. Quem
etsi Sanctissimi quique maximè appetant,

tamen

Idem. q.
69. art. 4.
ad 2.

tamen etiam sectari possunt peccatores. Iſti enim, dum à Sacramentali cōmunione abstinent, memores illius: *Qui manducat, & bibit indignè, iudicium sibi manducat & bibit,* **i. Cor. 11.** **29.** (quia rem tam sanctā irreuerenter tractat;) possunt tamen licetē sacramentum hoc *spiritualiter* sumere, hoc est, desiderare; atque ita, Christo spiritualiter coniungi, per fidē, & actualem charitatem, seu contritionem de peccato; ob quod se hoc Angelorum pane indignos iudicant, quodque abolitum volunt, ut digni fiant. Quia proinde spirituali communione, non peccant; quia eam falsitatem non committunt, quam committunt, qui illud *realiter* sumunt peccato mortali astricti. Significant enim isti, se Christo vnitos, & membris eius incorporatos, quod tantum fit, per fidem formatam, quæ in peccatoribus non est, in quibus non est habitus charitatis: non significant autē hoc, qui tantum *spiritualiter* communicant, sed significant, se optare esse coniuctos; siue re ipsa coniuncti sint, siue non, sed tantum coniungi desiderent, desiderioq; se iungant, & implicita contritione (si non expressa) profiteantur, seiungi se ab illo, peccando meruisse. Sicut ergo infidelis Baptismum,

K 5. sicut

154 Cap. VII. De reali, seu sacramentali,

sicut adulter Sacramentum Pœnitentiæ, ita
& quiuis peccator, per fidei & actualis cha-
titatis exercitium, potest Sacramentum Eu-
charistiæ desiderare. Quo desiderio in sui de-
spectum, & in peccati detestationem venit,
videns se, suâ culpâ, sacramentali Euchari-
stiæ sumtione & tam sacro conuiuio, sine
veste nuptiali charitatis habitualis, indig-
num esse; cuius proinde desiderio, vult pec-
cata deponere, vt dignus fiat, qui ad men-
sam regiam accedat. Ut enim olere dome-
stico abstinent, ad nuptiales epulas invitati;
sic, qui desiderio tenentur cœlestis ambro-
siæ, libenter contemnunt cramben pecca-
torum toties repetitam. Utilissima itaque
est etiā peccatoribus sumtio spiritualis Eu-
charistiæ, impetratque à Deo, tandem sum-
tionem quoque sacramentalem. Alexander

Plutarch.
in apoph-
theg. A-
lex. Mag.
Macedo, dijs sacrificans, ac citra parsimo-
niā thura in ignem sæpius iniiciens (licet
Leonida pædagogo reclamante, &c dicente,
vt tam sumptuosè sacrificaret, cum thuri-
feram subiugasset regionem) etiam aroma-
tiferam regionem adeptus est: ita qui erga
Deum non sunt auari, sed quām largissimè
spiritualiter communicant, id assequuntur,
vt eis Deus, vel per homines, vel per modos,
extra

extra communem ordinem, atq; etiam miraculosos, cōmunionem sacramentalem impertiatur. In vijs iustitiae ambulo, inquit, in medio semitarum iudicij, ut ditem diligentes me, & thesauros eorum repleam. Quām quidam calidē optant, thesauros suos repleri? cur hīc inopiam amant? Quām multi dies noctesque, inter pocula, & in vino versantur, nec aliud cogitant, quām comediones? cur calicem Domini non sibiunt, car non esuriunt frumentum electorum? Quis cibus D E o dulcior, quis suauior potus, quām sanguis Christi? Dicebat olim Booz ad Ruth, vt cum messoribus intingeret buccellam in aceto, & vt liberrimè spicas colligeret: ob quam liberalitatem illa mox eū super terram adorauit. Christus iubet nos, in sanguine suo, non buccellam, sed animam nostram lauare, & in aceto memorialis Passionis suæ intingere; & non cadimus in terram? non venimus? non adoramus? immo nec esurimus, nec sitimus. Alioquin vtiq; qui vult nos cibum dare esurientibus, ac fientibus potum; ipse etiam in cibum nobis se daret, & in potum. In quā rem plura libet exempla apponere,

Prou. §.
20.